

四庫全書存目叢書編纂委員會編

齊魯書社

四庫全書存目叢書

史部
第一七冊

責任編輯：孫言誠 賀 偉

ISBN 7-5333-0535-3



238/05

四庫全書存目叢書·史部一七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 53.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一七冊目次

史部・編年類

國史紀聞十二卷

〔明〕張銓撰
揚州市圖書館藏明天啓刻本

..... 一

綱鑑正史約三十六卷(一)

〔明〕顧錫疇撰
清華大學圖書館藏明崇禎刻本

..... 五三二

國史紀聞十二卷

〔明〕張銓撰

揚州市圖書館藏明天啓刻本

附《四庫全書總目·國史紀聞

十二卷》提要

序張忠烈

國史紀聞

臣楊先 簪令劒江忠烈遠持

斧而臨望之則豐頤廣額赤

顏漆髯屹然巨人也是秋典

文闡臣以往歲分較辭迄武

序

闡臣佐較閱獲親接罄咳大

都負嚴凝肅之中寓肫懃煦

就之意一時激揚稱名直指

而臣奉職無狀受知愈深謬

以卓異荷

留遂于忠烈稱門下士方忠烈之

感慨東事新置大帥也抗疏
非之未幾一一如所云舉朝
神其識

神祖命往監軍事忠烈不取臺資
謝卑騎受代于

今上初年臣已忝同臺尺一纔通

序

而遭潰之報旋至忠烈之慘

旋聞臣痛心欲絕設位而哭

而奠首疏乞

旌卹奉有查確議行之

旨今被

聖主恩顧至隆凡天下知與不知

無不仰之為忠且烈而不知

蓬萊山人之夢謗為朝廷忠

臣則天而忠者也大司馬早

有隱德大廷尉敬歷中外懷

冰茹蘖猷遠功高則又世而

忠者也即以忠烈一身而上

序

三

谷明恕共戴祥刑則忠于理

番商剔蠹西隅晏安則忠于

役立朝條上機宜大指要先

察吏生平不喜黨附加意表

章名賢則又忠于

廟社忠于人才而當其應

召闕下也有限之居諸或付之無窮之賦遂即無營之株守亦安寄其有用之精神而忠烈一片忠肝不忍清時虛擲棄茲討論舊章紀聞

國史焚釋官之浮夸削野史之

本

四

蕪陋備尚書之記載省諸家之龐襍非剽時耳以為目非信羣吻以為筆惜無餘暇輯及

世廟而後然凡

祖宗謨烈

朝政得失士品端衰邊計安危一按牘而班班可考此其忠已在萬世殆得凍水新安之遺意而直欲接麟經之一脉者歟後有修馬班業者能不取材于斯也語云惟其有之

本

五

是以似之睢陽之齒可以吞賊故應有不三復之記誦不立稿之文章常山之舌可以舐血故應有偉而重之碑頌穎而厚之記銘忠烈之處心積慮莫非忠義宜其所著詩

與文皆忠

君愛國之淋漓而忠臣烈士之梗
槩也矧是紀也乎哉然又非
獨此也大廷尉神明矍鑠鼎
鑒蔚蒸樞衡轉瞬耳一旦以
歸寧

序

六

予告南中相顧失倚金吾文采翩
翩憤不共天請師滅奴請使
屬國請除戎器諸季讀父書
俱綽有父風臣嘗歷沁陽見
其千巖挿天一泓亘地氣鬱
而蒼景秀以文歎曰非地靈

不有人傑頃以病依子舍緣
門墻世講嘗侍大廷尉杖屨
一步一趨又歎曰非是父不
有是子有是子又應有若孫
忠孝萃于一門從古亦不數
得臣故不為

序

七

國史贊而于紀之者三致意以
為後世臣子取則焉
天啓四年甲子季夏朔門人
巡按山西監察御史江寧臣
徐揚先謹撰

國史紀聞序

夫有一代之興必有一代之史所以述世紀跡彰往信來也古者有左右史朝夕人主之前記言記動嫩惡必書春秋時若晉之董狐齊之太史

序

氏直書無隱不畏強禦猶有三代之遺焉秦漢而下稱良史者必推龍門扶風二家皆世習其業纂集舊聞爲力頗易然而是非之公已不能愜當世之口則信乎史之難已

降是史失其職非諛則誣著

述愈煩直道愈晦惟涑水紫

陽可接麟經之脉炎宋以後

史益蕪穢觀者病之我

太祖高皇帝建國之初倥傯戎馬

卽設起居注又

序

命史臣直書傳信後來大公至正

之心同符三代度越季世遠

矣歷代相沿珥筆之官寢失

初意虛負編摩之名未見紀

注之實卽纂修

實錄藏在

天府外廷之臣無繇得窺是以野

史雜出自

國初以迨嘉隆無慮數十家然

或誕而失真或略而不備或

錯亂而無章惟先臣鄭曉吾

學編事核言簡鑒裁精密庶

序

三

幾乎一代之良惟時有避忌

方技伎幸諸傳廢而不錄未

免有掛漏之憾而體非編年

于兼總條貫之義猶若謙讓

未遑焉臣生長僻鄉目不覩

金匱石室之藏耳不聆鴻儒

耆碩之論徵文徵獻無所取

衷庚戌歲以上谷理官被

徵候

命

闕下閒居無事因得討論

國朝舊章悉取諸書置之几案

序

四

叅校異同披沙揀金聚狐擇

腋更歷寒暑始竣雖識鑒未

當謏淺少文而是是非非不

敢違匹夫匹婦之公其于

二祖

列聖之睿謨鴻烈懿德豐功頗能

揚厲其萬一至

國家之大經大法名臣之嘉謀
嘉猷以及夫政事之張弛人
品之邪正民生之休瘁世道
之淳澆土宇之版章侵削亦
皆識其梗概手錄成帙藏之

序

五

篋笥以備遺忘名之曰

國史紀聞者蓋得之傳述而不
敢據以爲信也語曰百聞不
如一見倘諸臣以聞悞臣而
併使臣以聞悞後人則臣懼
滋甚若夫兼擅三長網羅百

氏勒成一代之信史而俟夫

後之作者是編也幸比于不
賢之識小以備採擇此則區
區纂集之意乎

晉

萬曆四十八禡孟夏中旬巡按江

序

六

西監察御史臣張銓謹識



史記卷之一

巡按江西監察御史沁水

張

銓輯

男錦衣衛指揮同知

臣

張道濬訂

門人巡按山西監察御史江寧

臣

徐揚先較

壬辰元至正十二年

高皇帝起兵濠州

高皇帝之先江東句容人宋季時大父徙居泗

父又徙鍾離之東鄉母陳氏生四子 上最少

生之夕赤光燭天里中競呼朱家火起相率救

國史紀聞

卷之一

一

之及至無有也年十七值旱疫父母俱喪廼入

皇覺寺逾月僧乏食散遣其徒游四方 上西

遊合肥歷光固汝潁凡三年復還皇覺寺時元

政不綱四方兵起潁州劉福通蕭縣李二羅田

徐壽輝等各擁衆數萬剽掠郡縣定遠人郭子

興與其黨孫德崖等攻陷濠城據之元將徹里

不花率兵欲復城憚不敢進惟日掠良民爲盜

以徵賞百姓皆恟恟相煽動不自安 上廼入

濠城門者疑以爲諜執見子興子興見 上狀

貌異常遂留置帳下以所有馬公女妻之日益

親信

十二月趙均用人濠州據之

李二爲元丞相脫脫所敗遁去其將趙均用彭

早住率餘衆奔濠二人本以窮蹙來歸子興反

屈已下之事皆稟命遂爲所制脫脫命賈魯追

均用等圍濠城均用與子興極力拒守會魯死

兵解去均用早住遂據濠州

癸巳五月張士誠起兵據高郵

國史紀聞

卷之一

二

士誠白駒場亭民及弟士德士信舉兵陷泰州

殺叅政趙璉遂據高郵自稱誠王

高皇帝取滁陽

濠城自元兵退軍士多死傷 上廼歸鄉里募

兵得七百人鳳陽人徐達沉雄有智略與耿再

成郭英等皆來歸時彭趙二人馭下無道所部

暴橫 高皇帝察其無成廼與徐達等二十四

人南略定遠以計取驢牌寨民兵得壯士三千

人率之而東襲破元知院老張于橫澗山降其

民兵七萬南略滁陽道過定遠人李善長來謁
與語悅之留置幕下掌書記遂與俱攻滁陽下
之趙均用遣人趣帝使守盱泗辭不往未幾
早住死均用獨據滁州子興乃率所部歸滁

乙未正月取和陽

滁城之陷高皇帝謂子興曰固守孤城非計
今欲謀所向惟和陽可圖然其城小而堅可以
計取難以力勝遂命張天祐將兵前行聲言廬
州兵送使者入和陽犒軍取再成將兵繼後相

國史紀聞卷之一

三

距十餘里俟天祐兵薄城舉火爲應再成卽鼓
行而前天祐兵從他道就食候前約再成候之
過期率衆直抵城下元平章也先帖木兒迎戰
再成不利中矢走衆潰會日暮天祐始至急擊
之追至門爭橋而上登城大呼也先帖木兒夜
遁天祐遂據其城子興聞再成敗急屬帝將
兵率徐達等進至和陽始知天祐已破城矣
帝入撫定城中悉還所掠婦女和人大悅子興
屬帝守和陽適有讒帝于子興者子興亦

上威名日著自滁來欲奪其軍未幾遂卒
上在統兵衆帝遇春鄧愈等皆來歸

九月之平路

高皇帝謀渡江患無舟楫時俞通海廖永忠各
擁衆據巢湖張德勝亦結水寨自保皆聞道來
附上喜曰吾事濟矣遂帥舟師攻元蠻子海
牙于峪溪口大敗之諸將欲直趨金陵上曰
采石南北襟喉得采石金陵乃可圖也乃引舟
渡江廖永安請所向上曰采石大鎮其備必

國史紀聞卷之一

四

固牛渚磯前臨大江彼難爲禦攻之必克乃引
帆向牛渚及岸帝遇春奮戈先登諸軍繼之鎮
兵驚潰遂拔之緣江諸壘望風迎附卽率衆向
太平橋急攻拔之總管靳義赴水死完者不花
等遁去耆儒李習陶安等率父老出迎安見
上謂習曰龍姿鳳質非常人也我輩有主矣
上之發采石也先令李善長爲戒戰軍士撈比
入城卽張之士卒欲剽掠見撈揭通衢皆愕然
不敢動一卒違令卽斬以徇城中肅然上召

下之

十二月我師攻集慶路不利

初元蠻子海牙以巨舟截采石江閉姑熟口而方山寨民兵元帥陳埜先以衆數萬來攻太平上遣徐達等迎戰復命別將潛師出其後來擊之埜先腹背受敵遂被擒上釋不殺命以書招其部曲皆來降埜先復欲脫歸有以其謀告者上曰吾久知其不誠然殺之恐失豪傑心廼召謂曰人各有心從元從我任汝所適不相

強也縱之還埜先旣歸收餘衆屯板橋陰與元

福壽合時上將攻集慶埜先謬爲報曰集慶

城三面據水地勢險阻不利步戰莫若進兵南

據溧陽東壽鎮江據險阻絕糧道可不攻而下

也上知其詐報之曰歷代之克江南者晉之

殘吳隋之平陳曹彬之取南唐皆以長江天塹

限隔南北故須會集舟師始克成功今吾渡江

據其上游彼之嚙喉我已扼之正宜乘時進取

奈何舍全勝之策爲迂迴之計耶埜先得書知

其計不行遂叛與元福壽合兵拒戰于秦淮水

上我師失利張天祐戰死埜先追襲我軍于漢

陽經葛山鄉鄉寨民兵百戶盧德茂惡其反覆

以計襲殺之

丙申二月我師攻蠻子海牙於采石大敗走之

蠻子海牙復率舟師扼采石阻絕南北欲伺間

攻太平上率常遇春等擊之時元舟聯絡江

上勢甚盛乃令遇春設疑兵以分其勢而以大

兵薄之戰旣合遇春率舟師衝其中敵分爲二

我師左右縱擊自辰至午敵大敗俘獲萬計盡得其舟艦蠻子海牙以餘衆走集慶

三月克金陵元行臺御史大夫福壽死之

陳瑄先既死其子兆先統其衆屯方山與蠻子海牙相犄角上命廖永安爲國用攻兆先擒之盡降其衆擇壯士五百人置麾下多疑懼不自安上覺其意至暮令入衛外舊人于外獨留馮國用臥榻旁酣寢達旦五百人者感上推誠皆願効死進兵集慶馮國用率麾下先登陷

國史紀聞

卷之一

七

陣敗敵于蔣山直抵城下拔柵兢進福壽督兵力戰或勸之遁壽叱而射之搏戰不已遂爲亂兵所殺平章阿魯灰叅政伯家奴皆戰死獲其御史王稷等三百餘人蠻子海牙走投張士誠元帥康茂才等各率衆降上入城召父老諭之曰元失其政兵戈並起生民塗炭吾率衆至此爲民除亂耳宜各安職業毋懷疑懼賢人君子有能相從立功業者吾禮用之舊政不便者吾爲汝除之於是城中軍民更相愛慰廼改集

慶路爲應天府錄用儒士夏煜孫炎楊憲等十餘人嘉福壽之忠以禮葬之

克鎮江

上命徐達將兵取鎮江戒之曰吾自起兵以來未嘗妄殺汝當體吾心戒戢將士城下之日毋焚掠毋殺戮犯者處以軍法縱之者罰無赦達頓首受命進攻鎮江克之號令嚴肅城中宴然遂分兵下丹陽金壇諸縣改鎮江路爲江淮府以達與湯和守之

國史紀聞

卷之一

八

本月克廣德路

鄧愈等攻廣德路克之改爲廣興府以愈鎮守

七月高皇帝自立爲吳國公

以元御史臺爲公府置江南行中書省以李善長爲叅議湯和攝樞密院事

我師攻常州獲張士德斬之

初上遣儒士楊憲通好于張士誠士誠拘留不遣尋以舟師攻鎮江徐達等敗之于龍潭上使諭達曰士誠起于負販諂許多端當速出軍

攻毘陵先發制之于是達帥師攻常州進薄其壘士誠遣其弟士德以數萬眾來援達謂諸將曰士德狡而善鬪使其勝勢不可當當以計取之廼去城十八里設伏以待命趙均用率鐵騎爲奇兵達親督師與戰鋒旣交均用鐵騎橫衝其陣陣亂士德走遇伏馬蹶爲先鋒刁國寶所執士德梟驚有謀旣被擒士誠氣沮上欲留士德以誘致士誠士德間遺書其兄使降元乃斬之

國史紀聞

卷之一

九

十一月張士誠援常州徐達等擊敗之

士德被擒士誠懼遣其下孫君壽奉書請和願歲輸糧二十萬石黃金五百兩白金三百斤上復書數其開募召兵之罪士誠得書不報徐達圍常州久不下上復益兵二萬圍之會義兵元帥鄭僉院叛降士誠士誠挾鄭僉院攻徐達壘達勒兵與戰常遇春廖永安胡大海來援內外夾擊大破之擒其將張德餘軍奔入城士誠復遣其將呂珍馳入常州拒守達進師圍之

城中益困

丁酉二月取長興

三月克常州

初常州兵少食足故堅拒不下及叛兵入城軍衆糧少不能自存我師攻之益急呂珍宵遁遂克之改爲常州府

夏四月克寧國路

徐達常遇春率兵攻寧國元守臣別不華楊仲英等拒守久不下遇春中矢裹創與戰上親

國史紀聞

卷之一

十

往督師命造飛車編竹爲蔽數道並進仲英不能支開門降百戶張文貴殺妻子自刎死擒其元帥朱亮祖得軍士十餘萬于是太平旌德南陵涇縣青陽相繼皆下

六月取江陰

上命趙繼祖等取江陰張士誠兵據秦望山以扼我師繼祖引兵攻之會大風雨上誠兵潰我師據其山翌日進攻城西門克之江陰去姑蘇僅百餘里控扼要害自失江陰士誠舟師不敢

沂大江而上矣

七月取宜興常熟績溪

取徽州

胡大海等進兵徽州元守將八思爾不花及萬戶吳訥等拒戰大海擊敗之遂拔其城訥等退走欲守遂安大海追及白鶴嶺復擊敗之訥自殺大海進攻婺源元將楊完者率兵十萬欲復徽州大海還師與戰敗之婺源帥汪同黻縣尹葉茂祁門帥馬國寶俱以城降

國史紀聞

卷之一

十一

九月取武康

徐壽輝將陳友諒襲殺倪文俊并其軍

友諒沔陽漁人子嘗爲縣吏不樂壽輝兵起仗劍從之爲簿書椽尋領兵爲元帥見倪文俊專恣心不能平至是文俊謀殺壽輝不果奔黃州友諒因襲殺之并其軍自稱平章壽輝不能制

十一月克池州

常遇春率廖永安等自銅陵進攻池州帥舟師直抵城下自辰至巳破其北門遂克之

克揚州

初張明鑑聚衆淮西爲亂逐元鎮南王孛羅普化據揚州日管城中居民爲食上命廖大亨攻之明鑑等不能支遂降得其衆數萬改爲淮海府以耿再成守之籍城中居民僅餘十八家

十二月徐壽輝將明玉珍據成都

玉珍隨州人初聞徐壽輝兵起集鄉兵結柵自固未幾降于壽輝及倪文俊陷川蜀令玉珍守之至是文俊死玉珍遂據成都蜀中郡縣皆附之

國史紀聞

卷之一

十二

戊戌正月克婺源州

二月以康茂才爲營田使

諭之曰比因兵亂隄防頽圯民廢耕耨故設營田司專掌水利今軍務殷煩用度爲急理財之道莫先于農故命爾分巡各處俾高無患乾卑不病勞務在蓄洩得宜大抵設官爲民非以病民若但使有司增飾館舍迎送奔走所至紛擾無益于民而反害之非副任使之意